

上意於其年冬急遣子婦奢助率把事頭目允則隴入貢則賞賚尤厚時都指揮馬疇者開普定驛傳役以官兵將盡驅諸羅爲郡縣苦無其間會香爲他羅所訐疇故惡香傲至是欲辱香激諸羅怒俟其反而加以兵乃驟檄香至責簿香不勝叱壯士裸香笞其臀香怒甚斷所佩革帶誓必報而四十八部羅咸集香軍門憂顙願掃境反香曰反非吾分且反則人得借天兵以臨我中反計矣我之殺反者有在也謀之贖珠贖珠曰曷見上愬之乎曰愬則何以殺之贖珠曰夫上之所以重疇者以其能開郵驛恢復邊境耳今四川道梗我能助蠻